

乾隆韓城縣志

聞人

韓城縣志卷六

賢良

漢司馬遷字子長龍門夏陽人其先蓋出自重黎之苗裔世序  
天地在周則程伯休甫其後也宣王時失其守爲司馬氏司馬  
氏世典周史惠襄之間去周適晉晉中軍隨會奔秦而司馬氏  
入少梁自司馬氏去周適晉分散或在衛或在趙或在秦在衛  
者相中山在趙者以劍論顯崩噴其後也在秦者名錯卽與張  
儀爭論伐蜀者錯孫斬事武安君白起而少梁更名曰夏陽斬  
與武安阨趙長平軍俱賜死杜郵葬於華池斬孫昌爲秦主鐵  
官始皇時薦曠元孫卬爲武信君將而徇朝歌諸侯之相王王  
卬於殷漢之伐楚卬歸漢以其地爲河內郡昌生母擇母擇爲  
漢市長母擇生喜喜爲五大夫卒皆葬高門喜生談談爲太史

公太史公仕於建元元封間嘗論六家要指辨陰陽儒墨名法而歸於道德有子曰遷遷生龍門耕牧河山之陽年十歲則誦古文二十而南遊江淮上會稽探禹穴闕九疑浮於沅湘北涉汝泗講業齊魯之都觀孔子之遺風鄉射鄒嶧厄困鄱薛彭城過梁楚以歸於是遷仕爲郎中奉使西征巴蜀以南南略邛笮昆明還報命是歲天子始建漢家三封而太史公留滯周南不得與從事發憤且卒而遷適使反見父於河洛之間太史公執遷手而泣曰余先周室之太史也自上世常顯功名於虞夏典天官事後世中衰絕於予乎汝復爲太史則續吾祖矣今天子接千歲之統封太山而余不得從行是命也夫命也夫予死汝必爲太史爲太史無忘吾所欲論著矣且夫孝始於事親中於事君終於立身揚名於後世以顯父母此孝之大者夫天下稱

誦周公言其能論調文武之德宣周名之風達太王王季之思  
感受及公劉以尊后稷也幽厲之後王道缺禮樂衰孔子修舊  
起廢論詩書作春秋學者至今則之自獲麟以來四百餘歲而  
諸侯相兼史紀放絕今漢興海內一統明主賢臣忠臣死義之  
士余爲太史而弗論載廢天下之史文余甚懼焉汝其念哉遷  
俯首流涕曰小子不敏請悉論先人所次舊聞弗敢闕談卒三  
歲遷爲太史令紹史記石室金匱之書五年而當太初元年十  
一月甲子朔旦冬至天歷始改建於明堂諸神受紀於是論次  
其文七年遷以救李陵遭禍幽於縲絏葺以蠶室乃喟然而嘆  
曰是余之罪也夫是余之罪也夫身毀不用矣退而深惟曰夫  
詩書隱約者欲遂其志之思也遂卒述陶唐以來至於麟止自  
黃帝始網羅天下放失舊文稽其成敗興壞之紀爲十表本紀

十二書八章世家三十列傳七十凡百三十篇五十二萬六千五百字名曰史紀而十篇缺有錄無書元成之間褚先生補之作武帝紀三王世家龜策曰者列傳今並在史紀中遷被刑後爲中書令尊寵任職其故人益州刺史任少卿安子書責以古賢臣之義遷報以書語多激昂感慨蓋憤世嫉俗與貨殖遊俠刺客諸傳相表裏焉遷卒葬高門東南八里嶺上東望黃河一邱巋然遷之書死後方出宣帝時遷外孫平通族宏農楊惲每祖述之其書遂得宣布王莽時封遷後爲史通子而晉永嘉四年漢陽太守殷濟瞻仰遺文大其功德遂於遷墓上建石室立碑樹栢栢至今蒼然遍山谷云

北魏薛麟駒其先汾陰人以伯父洪祚尚魏文帝女西河公主有賜田在馮翊遂徙家馮翊之夏陽舉秀才拜中書博士齊使

至詔兼主客郎中以接之卒贈河東太守謚曰宣長子慶之始有學業位廷尉左丞賜爵龍邱縣子次子英集性通率以軍功累至治書侍御史通直散騎常侍

後周薛端字仁直集之子少有志操勵精篤學不交人事年十七司空高乾辟爲參軍賜爵汾陰縣男端以世亂棄官歸里孝武西遷東魏遣行臺薛循義等率衆數千西渡據楊氏壁端與宗親及家僮戰走石城橋並力固守魏將懼而東遁端收其器械復還楊氏壁太祖降書勞問徵爲丞相府戶曹叅軍從擒竇泰復宏農戰沙苑並有功進爵爲伯轉丞相東閣祭酒加本州大中正遷兵部郎中加使持節平東將軍吏部郎中端性彊直每有奏請不避權貴太祖嘉之故賜名端大統十六年大軍東討以端爲元帥李弼長史累加車騎大將軍儀同三司轉尚書

左丞仍掌選事已進吏部尚書賜姓宇文氏端久在選曹雅負藻鑒所用皆有名蹟其才行薄劣者雖貴遊子弟未嘗升擢孝閔帝踐祚進公爵增邑至千八百因忤晉公謫出刺蔡州政尚寬惠民吏愛之尋轉基州未幾卒遺誠薄葬母受府州贈遺詒聞贈本官加大將軍追封交城郡公謚曰貞

隋薛胄字紹元端子少穎敏綜覽羣籍暢達政事嘗慷慨欲立功名周末襲爵交城郡公文帝擢檢校廬州尋除兗州刺史郡有滯獄數百胄不旬日決之囹圄空虛陳州人何道元詐爲高平郡守胄途遇察其有異收而發之人稱神明先是城東沂泗二水合而南流汎濫大澤中胄積石堰之使令西注陂澤盡爲良田又通轉運百姓賴之號薛公豐充渠後刺郢州徵拜衛尉卿尋轉大理遷刑部尚書以議事高煩獄忤旨出檢校相州皆

有能名會漢王諒作亂遣偽將綦良攻胄胄以計說良得釋去及良敗棄軍歸胄朝廷以胄懷貳心繫大理相吏人詣闕理者百餘人竟坐除名配防嶺南道卒子筠獻並知名

唐白居易字樂天其先蓋太原人北齊五兵尚書建有功於時賜田韓城子孫家焉又徙下邦父季庚爲彭城令居易敏悟絕人工文章貞元中擢進士拔萃補校書郎元和元年對制策乙等調藍臺尉爲集賢校理月中召入翰林爲學士遷右拾遺後貶江州司馬久之徙忠州刺史入爲司門員外郎以主客郎中知制誥轉中書舍人文宗立以秘書監召遷刑部侍郎封晉陽縣男太和初除太子賓客分司踰年卽拜河南尹復以賓客分司開成初起爲同州刺史不拜改太子少傅進馮翊縣侯會昌初以刑部尚書致仕年七十五卒贈尚書右僕射謚曰文居易

被遇憲宗時事無不言多見聽可然爲當路指斥所蘊不能施乃放意文酒嘗與胡杲吉皎鄭據劉真盧真張渾狄兼謨盧貞燕集皆高年不事者人慕之繪爲九老圖其始生七月能展書姆指之無兩字雖試百數不差九歲暗識聲律工於文章蓋天稟然贊曰居易始以直道奮在天子前爭安危冀以立功雖中被斥晚益不衰當宗閥時權勢震赫終不附離爲遷取計完節自高嗚呼居易其賢哉

宋張昇字杲卿韓城人舉進士爲楚邱主簿南寧留守王曾稱其有公輔器累官度支員外郎夏竦經略陝西薦其才換六宅使涇原秦鳳安撫都監未幾以母老求歸故官得知絳州改京西轉運使知鄧州又以母辭或指爲避事范仲淹言於朝曰張昇豈避事者乃許歸發廩戶部判官開封府推官至知雜御史

張堯佐緣恩驟用知開封府內侍楊懷敏夜直禁中而衛士爲  
變皆極論之昇性質樸不善擇言至斥張貴妃爲一婦人謂懷  
敏得志將不減劉季述仁宗讀之不憚以語陳升之升之曰此  
忠直之言不激切則聖意不可回矣帝乃解以天章閣待制知  
慶州改龍圖閣直學士知秦州初青唐蕃部蘭瑄世居古渭犢  
與夏人有隙懼而獻其地攝帥范祥無遠慮亟城之諸族畏其  
偪舉兵叛昇至請棄勿城詔戶部副使傅求審視之以爲不可  
棄與昇議殊先是副總管劉渙討叛羌逗撓不時進昇命他將  
郭恩代之羌乃潰去渙黜其功調訟恩多殺老稚以撼昇朝廷  
命張方平守秦徙渙涇原亦徙昇青州將罪昇方平辭曰渙昇  
有階級今互言而兩罷帥不可爲也昇乃復畱至和二年召兼  
侍讀拜御史中丞劉沆在相位以御史范師道趙挺嘗攻其惡

陰欲出之昇曰天子耳目之官柰何用宰相怒而斥上章力爭之沆竟罷去帝見昇指切時事無所避謂曰卿孤立乃能如是對曰臣仰託聖主致位侍從是爲不孤今陛下之臣持祿養望者多而赤心謀國者少竊以爲如陛下乃孤立爾帝爲之感動契丹主宗貞遣使齎其畫像來求帝畫像未報而死子洪基立以爲請詔昇報聘諭使更致新主像契丹欲先得之昇曰昔玄成以弟爲兄屈尚先致敬况今爲伯父哉遂無以奪乃復以洪基像來嘉祐三年擢樞密副使遷參知政事樞密使昇愛惜官資凡內降所與多持不下見帝春秋高前後屢進言儲嗣事卒與韓琦同決策英帝立請老帝曰太尉勤勞王家詎可遽去但命五日一至院進見無蹈舞司馬光上疏言近歲以來大臣年高者皆不敢自安其位言事者欲以爲名又從而攻之使其人

無可取雖少壯何益果有益於時雖老何傷昇爲人忠謹清直不可干以私若使且居其位於事亦未有曠廢也昇請不已始賜告令養疾遂以彭信軍節度使同中書門下平章事判許州改鎮河陽三城拜太子太師致仕熙寧十年薨年八十六贈司徒兼侍中謚曰康節

明王盛字懋德號竹室韓之澗南里人成化乙未進士任戶科給事中山西布政司叅政嘗受業文清公之門孝友姍惲俸祿之入盡以散族人親識家無餘貲行部河東韓人有見者延款無倨色閭里相傳以爲榮幸過汾陰謁后土廟見側祠有十六羅漢像去之有狄梁公之風韓俗喪葬媚佛盛非之獨祖奠以禮自是士遂移風焉先成化甲午薛封池蓮一莖雙花乙未春盛與馮義成進士先後俱授給事中人以雙花爲瑞蓮謁盛記

之盛以花雙而實異因記以自勗其略曰彼澤之陂有蒲與荷花美蕖也其華菡萏其實蓮以蓮花爲君子者周濂溪也以蓮花爲淨友者曾端伯也比興之義士當以之今韓之蓮一莖雙花瑞也顧實有不同焉可繹也何也科之登也同也得其人則足正君善俗則足修政立事而祿位崇焉此蓮房之大而實者若以示勸也非其人則名實未加於上下責任空託於一身而卑黜隨之此蓮房之小而未實者若以示戒也繹示戒而戒之繹示勸而勸焉堯舜吾君民位育吾寰區如此則器之成也大而人與蓮並瑞矣此盛之文詞概見者也據此一繹而測之盛其卓矣士哉其沒世不忘也殆桃李之下成蹊乎

張士佩字攷父號漁濱生而奇穎中嘉靖丙辰進士授紹興推官試得羅萬化朱廣等數十人教育於稽山書院有大母及妣

天下者同考鄉試所得悉一時知名士徵拜御史每疏入蘆皇帝輒報可所論皆當世急務而三途並用與衙門陞遷之議尤爲當世所避南大司馬克齋李公讀其疏喟然曰如此天下太平矣又劾奏嚴世蕃之黨羅龍文等力逮治罪天下快之以外艱歸廬墓五年巡按山東安戢遼左流移日煦尹廉而才以催科不及第下等公破例拔薦後爲名諫議遷江右憲副守嶺北土寇葉楷作亂刦司李賴萬與爲質急則賴不可保公佯檄數賴不職事遂還之因進兵平焉又有盜當三省交壤聚幾百年公建議設州於程鄉興寧安遠武平四縣間遂無叛者調晉藩以汾水汎濫沒民田歲爲害乃築陂瀦水以時蓄洩反成腴壤二千餘頃長寧齊魯逮章邱棲霞等墨吏按治之羣吏肅然北境多盜公廉得主者二十餘家論如法而榜其名盜竟絕跡

爲晉藩左輔諸郡上折稅銀不啓封卽行轉解省民財以巨萬  
歲得羨金萬餘悉登籍晉土多瘠爲別三等輪賦疲邑賴之開  
府西蜀奉旨丈地力任勞怨得伏田二十七萬餘頃糧地均平  
重賦者緣是得蘇蓋公於晉嘗減武鄉沁源諸邑賦額於齊減  
魚台等邑馬價以故三方皆戶祝云長官司土舍阿祭行萬金  
賄謀冒襲假助糧以入公毅然曰奴敢以是汚我耶遂治其罪  
天全司土舍揚時春以庶孽謀襲殺應襲者遂作亂公檄討之  
生擒時春等斬之天全遂平定永寧宣撫司土婦奢世續爭印  
誓殺董卜作亂於灌縣烏慮兵擾於烏蒙冉維屏固違畿處皆  
一一討平成都兵當戍威茂監司發餉稍遲遂甲而譁公閹門  
呼入衆尚操兵公曰此非副使所得主吾當給之又曰譁者於  
軍法當杖遂杖其首者四十居數日得倡亂六人斬於市衆皆

號栗應變之智人以爲如宋張公諲之在益州也名爲天官少  
宰仍中三途並用之法一意進賢退不肖所見多與新冢宰左  
遷南大司徒稱疾乞致仕久之起督倉場而公去志益決矣平  
生篤信理學與天臺耿公研性命之理所著有洗心恒性中庸  
大指忠恕達道不遠道自道成己成物夫焉有所倚復禮見學  
諸說心性人心道心格物諸辭皆暢發前賢之旨他所輯有六  
書賦洪武正韻玉鍵及達意稿四書端蒙錄畱臺類稿山東按  
奏西蜀題奏韓城縣志諸書致仕家居逾二紀而終誥贈太子  
少保致祭營兆域公嘗自謂吾居官不取贍錢遷官不用殉賂  
居鄉不行請託三事可對天日人以爲確其撫蜀也江陵方在  
政府奇公才甚相倚重諸所設施從無掣肘以故機宜動中公  
得盡所欲爲云歷官所餘俸悉推孤姪及故舊親戚家無餘貲

嘗引水鑿山開陶渠瘠地致可藝稻梁數十頃築北園讀書其中性好學手不釋卷

薛亨字道行韓城郝莊里人也上世有兄弟三人出粟賑饑以義民旌數傳至王父珉父三戒以公贈山西提學僉事始生時父母夢天門開卿雲奉日而墜於懷奇之六歲授書千言成誦會苦大徭走之臨鎮設館胡家王父病執其手而語之爾必歸吾骨首邱公泣受命十六隸諸生籍家赤貧讀書圓覺寺僧夙夜起鳴鐘必聞公書聲嘆曰卽吾黨苦行不若是寒忘求衣餒忘求食篝燈忘焚其冠於路默誦腹笥逢所知若不識或就而揖不交一語里人程公張公見其文歛衽服之守梁公倅黃公都辟諸生目公秦士無雙聞其未受室也屬縣令王公擇名門女而得衛氏爲具六禮以婚辛酉用尚書舉秦第一人甫弱冠

耳更十年成進士授戶部主事督餉寧武徙內庫於外以示辟  
遠不義設郡倅司出納故事餉賦金賦粟各半屬虧缺多戍河  
卒夏復築堤請倍給餉或議加賦公不可裁甲馬芻秣之溢額  
者昇之大司徒嘉其能著爲令改兵部武選司以父喪歸服除  
除車駕司奉使稿邊道遷刑部員外郎尋擢山西提學僉事教  
先德行而後文藝暇則登進諸生談經術日仄不倦而以齋膳  
之羹置學田周士不給者以母喪歸子婚有期緩之俟三年而  
遷葬王父如諾里人若隣邑士來受業成名者甚衆服除除故  
官值大比士屢試不憚煩得人爲盛所著晉學政校士錄晉學  
申諭原教錄四先生語錄理學詩學海叢珠至今誦之遷山東  
少叅督泰山香稅屬歲祲以市粟賑饑市牛助耕無何遷楚副  
憲過家則秦無年倍齊首以其祿爲宗人輸租而徐置義田義

學義塲賢恩僉受其益旣入楚所理屯鹽水利正經界繩兼併  
吏所斥虎冠若而人寬小吏斗食以下不問已遷四川叅政治  
涪大修學宮而韓亦修學以百金來助爲士學申諭川東雜議  
訓涪士民俗爲一變奉檄問捕首楊應龍罪銅之重慶獄中應  
龍詭以征倭自贖當事者骯法許之又銅其子可棟而陰行金  
四千公家公以聞兩臺言首反覆狀宜早爲備後數年捕事漬  
裂卒如公言直指王公薦公才當大任三年考最遷山西按察  
使治兵昌平尋徙汾州溫宗聞公來凜凜受要束公增陴浚隍  
請陞州爲府以彈壓之平亭獄數十百人已置學田養士爲五  
倫集要文經閩範戶說之事具冀南雜議禁奢省刑條約及南  
澗集中已遷河南右方伯攝行左事汰筦庫宿弊中丞張公薦

於朝而晉人譏其後坐罷歸署所居堂曰敬忍此吾坐右銘也  
家距河津一葦可杭慕薛文清之爲人於宋則師范文正程明  
道伊川二先生嘗夢明道教之曰澄神心自靜心正神益清已  
夢文正教之曰性定天機洞神凝物外清在寧武夢中得句一  
廉束兩足平地亦能飛故所至不潤脂膏染三百金齊千金楚  
萬金棄之不顧父以諸子不就養獨將母與俱朝暮上食西鄉  
而泣持喪絕酒肉之味苦山三年事其兄若父兄欲折箸長跪  
而畱之病則卜禱醫藥不遺餘力輒之游太華元嶽以適志旣  
老以高年賜爵沒而哭之哀不忍發其遺藁皮諸別室故舊一  
飯不忘報然矢不爲居間有司疾惡如風而不宿怨倣落下香  
山與鄉先生賢者月再舉會以朴素退讓表正鄉閭體鴻大聲  
吐清暢方面美譽特被疾邑令來候披衣起論諸子問後事一

無所答固問曰勤儉靜讀四言蔽之矣

馬永亨字子健號龍川世居芝川鎮始以舉人訓導房山旣而知房山縣事性介而政方時有當路令縣以白金易木炭者他邑皆不敢動金亨卽以來金易之當路果嗔劇然廉亨常祿外一座無纘卒善遇焉旣而二守河間府嘗三攝郡篆庫有羨金亨睨之若浼不近也旣以廉高治中畱都監督織造例有樣段皆麾却之積五禪陟常德府知府人多意其宦成節變年盡戒得也而亨介顧日瑩守常五年遡視在房山操猶一日也亨嘗面兒舉人應禎語取受嘆曰吾欲寡之又寡以至於無以此故苦節行於家庭服乎寮寢聲稱播於寰區倦勤而歸帝爲加副使銜焉蓋以異數寵之也亨喪配二十年隸居不置婢妾三十年不一過里閈爲杯酒歡人皆難之故卒之日識與不識翠鄉

之人皆諱焉是豈聲音笑貌得之哉

張邦敬字簡甫萬歷癸酉舉人四川高縣知縣調平山補原武行取河南郡丞鹽法屯政多所調停丁內艱補順德以循良稱陞敘州知府敘荒裔文教殘缺公爲刊四書五經於府學安奢土司叛亂大兵合勦公徵賦餉奏降有功陞安綿兵備副使調雲南金滄兵巡副使兼攝督學識技多名士他若革土番私貢之金勅營伍時閱之規號一方保障陞貴州布政司監軍左叅政任三月歸里杜門不出推產伯兄撫愛猶子孫捐金葺學宮置司馬太史公祭田人多稱之

薛芳字德茂少夢唇麟而治春秋辛卯鄉舉壬辰進士宰臨淮屏奸寬賦水不沒城皇陵灾御史按治中使將借以魚肉民公力主天火以消其患陞戶部主事管南新濟陽二倉得羨餘七

萬石司農考上上擢吏部考功持大體舉朝服其公正轉文選員外母病歸旋丁內艱喪祭如禮調文選時忠介孫公方起喜曰此故砥柱銓衡者也一切倚重六選滿鬚髮盡白終以取怨被論歸甲寅起太常少卿以慈寧宮敕劉御史不克發疾卒公爲人剛直而中實和粹以春秋名家節邑念劬康公邑吏部象極衛公其門下受經者也

張邦俊字襟黃萬歷乙未進士出鄒泗山先生之門由縣令行取戶部主事河南道御史巡按直隸督學河南湖廣備兵陞雲南布政司左叅政御史時抗言起廢棄廣用賢請太子出閣講學又疏請增浙閩秦齊解額四省各得五人增會試額天下得五十人定爲例議應從祀者一人應補謚者十四人劾稅璫梁永高淮毅直臣王邦才等俱載國史

解經傳字  
萬歷庚子舉人明年辛丑偕伯兄同捷南宮初歸起補汾州召吏垣有六事十苦十失疏以不阿爲時忌遷山東憲副參楚藩尋遷山東觀察使卒公兄弟五人俱同胞三進士一鄉舉一貢長卽公次經傳三經邦四經達五經莊稱一時間氣云

解經傳字  
萬歷庚子舉人明年辛丑偕伯兄同捷南宮初令直隸完縣東南地窪秋霖漂沒民居墾湖者不啻百千萬戶乃借民力捐清俸爲開河數十里達方順大河民賴之號名解公河四越月移繁長垣未決月丁外艱服闋補濟源清水利裁淨稅抑豪強復調鄉縣如所以綏完濟者遷兵部主事督武學武學故執簿數悉痛除其習遼事棘奉命赴三邊還將晉職方郎中赤白勞午應之裕如揀拔大小將一秉至公有京營弁社

逢春以五千金贊立疏正法賄師風頓息尋以疾歸起爲大梁  
叅政儀封王嵩賊蠶民莫敢嚮邇廉得其狀卽破柱取罪人疏  
於朝褫其爵晉保定巡撫時瑞烟熾祠遍海內保定獨無力持  
之也瑞敗撫畿南虜兵抹馬遷邊將尤岱等標下勤王檄詔下  
卽抵彰義門外上嘉勞之移河通州會三屯將楊肇基告急不  
俟朝命遣將白騰蛟齋火器助之城得不拔大司馬疏其功第  
一晉兵部左侍郎節制各鎮援兵涿督時有覲恒山節者號語  
潛前之遂鏽秩歸閉門教子孫於崇正十一年九月初四日終  
解經邦字尚譽羽冠舉於鄉乙未成進士初令暉暉田蕪民徙  
且盡逋賦至二萬餘公爲請捐積賦緩征民稍集卽爲建屋市  
犧具求耜以勸耕計創官莊三百二十七開荒田二千二百三  
十四頃有招墾之議十迺荒之議十省刑省罰之歲二皆成書

可觀邑丞以例羨五百人卽令抵民租至今人戶祝焉移繁人  
同制撫駐節軍民雜處號難治公至咸就理報最爲戶主政頗  
行籍鑲金八百兩畱饗軍入督海新二倉節羨六萬轉儀司卽  
時代藩易樹公獨以進退爭得不改出爲易水兵備東鹿故多  
盜公至悉平遷山西右布政軍民詣闕畱遂以二品仍駐陽和  
尋晉宣撫宣兵素騎按部治之甲皆精入援宣旅冠天下又寧  
武授軍離鴈門卽肆掠入疆且囂公以練甲三千壁郊外取首  
惡立寘之法以一繖弧等出疆卽疏請天下援兵經過制府得  
行法上可之尋加兵部侍郎經略遼東以史太夫人病辭疏入  
遂削職歸公天性孝友廉約愛人好施喜讀易及春秋著有儀  
曹奏稿撫宣奏議中和堂集

楊建烈字義清萬歷癸丑進士萊縣令授江西道御史甲子秋

逆璫用事周忠介公順昌周太僕公宗建繆太史公昌期皆公同年俱劾璫公隨諸公後抗疏擊之旋以贈公訃歸未幾公出爲叅議璫怒未已先後羅織諸直臣中以危法次且及公會崇正御極事方已召補山東道御史陞大理丞尋陞太常少卿陞左右通政陞太僕卿通政司通政使

閻可陞字達卿萬曆壬子舉人丙辰進士歷行人禮科給事中四川主考督理京營轉刑科右給事中爲人方嚴正色立朝抗直敢言風節甚著有奏疏一卷

衛先範字象極自號樗櫟子父王道篤志理學卽著宗極論者公幼岐嶷不凡遭父喪哀毀踰節家酷貧讀書砥礪不少休賴仲兄先烈衣食之萬曆乙卯舉於鄉出新安呂忠節豫石先生之門先生夢五色雲擁一忠字大可竟天因得公名已未成進

士令太平革里長易帽例米歲二千餘石及富民紙價銀等獎  
百餘兩調繁襄陵斷案臨汾又攝太平襄有河患公爲造浮梁  
民稱之曰衛公橋又加意作人譚經課藝名儒多出其門兩治  
民皆爲建生祠乙丑擢吏部主事晉吏假印爲蠹公至首釐之  
以不附魏瑞力請假歸家居十二年非公不一字入邑門至地  
方利病民生休戚則力爲陳說庚午乙亥間流寇迭至與邑令  
萊陽左公議守禦設方略動中機宜今所存守禦策問皆公所  
作而諸官紳條答者是也時荒旱頻年公與左侯議刻崇儉書  
以挽回之至賑貧醫病雖家無餘畱而日夕施濟不少休偶染  
疫疾合邑老幼爲祈禱於神願以身代者至數百人丁丑起考  
功轉文選嚴絕私交毅然以簡賢爲已任特取汪公喬年爲督  
學左公懋第爲給事又起劉公宗周陳公子莊等十餘人時有

鐵板釘子之謠內瑞馬化龍欲有所託公峻拒之遂以他事中  
傷左遷貧不能出都涿鹿馮公贈以金始克抵里歸而教授生  
徒立龍門社以課遠近諸生李賊入關公走河東山谷旋爲所  
繫時有傳將授以官者公勺水不入口凡六日未幾追餉備極  
毒刑從未出一祈憐語少閒則力病讀易而已會諸賊敗散公  
始以殘年得歸居邑北三義莊究心易傳鼓琴嘯歌不問家人  
產業嘗乘一疲驢布衣蔬帽所過市里與野叟相後先人不知  
其爲故吏部也年八十二終

薛國觀字家相一字賓廷萬歷乙未進士授萊州司理以治最  
行取選戶利給事遷兵科右禮科左典試江右遷刑科都以親  
老歸養上曰何久不見薛長漢起兵科都丁母艱哀毀成禮會  
巨盜苗美聞韓甚急公以重賞勵鄉兵戰守邑賴以全起禮科

都司試會閣稱侍人如名儒陳組殺諸公是也居垣十年孤立  
陳奏嘗畀襯以論權瑞條陳奏盜舉朝是之邊祭遼海恭虛冒  
營將貢酷有司忠讐讐謗聞於朝野乙亥陞太常少卿上不欲  
置之間官丙子陞都察院右僉都御史滿介端方風裁嚴峻丁  
丑枚卜拜東閣大學士念上遇恩深雖勤勞不敢自惜尋加太  
子少保戶部尚書進文淵閣大學士疏請出內帑捐俸薪祿士  
馬賑貧民禁藩戚一一從之適遇兵部所選秦中叅遊諸將來  
辭公卽勉以忠義授以方略因與共盟誓報國恩諸將皆感激  
故一戰擒高迎祥再戰逐李自成羅汝才捷聞上召公侍宴平  
臺賜金帛又爲上畫策謂敵強兵弱非奇不勝因草詔諭河南  
總兵左良玉陳永福以數千金行反間使自成殺汝才韓邑小  
而城頽公遁請傅勑費不出民五月而工就庚辰陞光祿大夫

柱國少保兼太子太保吏部尚書武英殿大學士提調經筵會試總裁卒

衛景瑗字帶黃濱北村人天啟壬戌進士性至孝母病侍湯藥目不交睫者四閱月任雒陽推官執法不阿峻絕苞苴杖斃土豪衙蠹無算直聲大震授山西道監察御史首劾閻臣周延儒及銓臣曾楚卿救工曹靖科元等按畿輔不避權貴丁觀補河南道御史巡大倉痛革陋規曹瑞化淳有所求咤不顧樞臣楊嗣昌議加勦削公抗疏直斥之謂天下安危視百姓利病今百姓方病柰何以加征益之病省臺王續燦吳執御吳彥芳俱建言被謫公疏請召還弗省傳朝佑李如燦數溫體仁罪上怒下獄公力爲訟冤會名對復極言二臣從國家起見頗赦出以作敢言之氣上怒甚罪幾不測公侃侃自如尋調行人司正遷尚

寶司再遷大理丞晉少卿平反大獄二十餘當是時公資望隆  
甚例當京卿會周再相當事阿其意出爲大同巡撫潔已束下  
興利除害厲兵秣馬裁缺丁鑄火器嚴戒宗城會吏皮襪所廣  
賑濟雲人感頌甲申二月李自成東犯太原督臣王繼談望風  
遁公嚴師厲衆布置戰守法議遣重兵阨鴈門險鎮臣姜瓊觀  
望不前及寧武告急公檄催援甚力瓊曰非信地何公憤然曰  
國勢至此尚何論信地耶同舟共濟正在此時傾橐得九百五  
十金犒激標丁將親出師卒爲瓊等所沮不果三月一日城報  
至公方出死戰而鎮臣棄從內變賊遂入城擁公至賊營賊衆  
叱公跪公不顧向東南踞坐大呼皇上而哭自成善謂曰我米  
脂一民耳今日至此天命可知爾貞好官爾降仍用爾撫大同  
公瞋目曰吾繫君紹綏仗君節旄期滅爾朝食焉有從爾作賊

之理賊引公出顧見姜瓖曰賊奴賣我爾朝盟而夕背上帝必殺爾瓊掩面却退賊黨翠勑公盍少委曲公喟嘆奮罵不已越三日復擁見賊自成曰爾眞忠臣我且驛乘送爾還家公曰國破何家可歸爾速殺我自成曰我必不殺爾公奮起大罵以頭觸臂石血淋漓被面絕而復甦賊悚然命拔公出公仍大聲痛罵賊瓊黨愧羞甚率不能語然終不敢加害是時公不食已數日矣而生氣岳岳竟不死初六日公行至海會寺南向痛哭且拜曰臣失守封疆死不盡罪願爲屬鬼以報呼二子德祐德敏訣繼母罪於觀音大士殿前沐浴正冠帶自經死死後自成嗟歎者久之給五十金遣人護其喪送還家其從弟景朝葬之蓋忠義之感動如此公壬戌讀禮時從大司空馮恭定公學稱高弟子仕雜爲豫撫范公景文所器重庚午分試山東首拔左公

懋第在臺中程司農公我祥初爲員御史在大同與朱公家任  
交莫逆皆同殉難諱師友淵源有自也事聞贈兵部尚書謚忠  
毅公長身而黑色性剛嚴不可犯人因以黑爲號云

趙春芳字鳴臯天啟甲子舉人許州學正陞長葛知縣未就國  
賊閩許芳方署州事固守賊曰汝降令爲刺史否則城破且碎  
汝骨芳曰吾食君祿爲賊臣乎賊怒攻益急城破大罵死之  
李國琮字象坤庚午舉人河南許州學正代篆榮陽誌修城  
置火器不逾月大賊雲集四面環攻卒賴保全又剪滅八府通  
家蔡和羹墓從龍縣人唐道生爲樹碑建全祠

衛引文字紫袖生而譽孚起越英頑非常庚午舉人辛未進士  
出陳明卿李曉湘二先生之門授庶常晉編修國學司業春坊  
中允諭德府講經官已昇典試越中得人最盛陸公培葛公世

振其尤著也時遠寇四起海內騷然公方在家居十六年冬季  
自成漢河東全濟瓦解公星夜赴京師慟哭上前言西土之危  
將廷社授次第上五薦其陳禦寇方略且捐家資以助軍需得  
三千金上名見准旨賜勳勞公與陳勸寇之謀請名諸將翼衛王  
室有詔褒勞未及施行而神京失守公薦除鬚髮被縕衣不肯  
臣伏歎切齒甚疾知憤慨漸死不屑手書寄其子延齡曰吾聞  
去鬚髮不能卽死罪也兒輩請書以續吾志耳餘無所言已而  
乘南奔時大學士史公可法奉命督師河南府維楊興平伯高  
傑節鎮淮南公以僧服入城史見公來喜甚卽疏公以左春坊  
左諭德兼兵科給事中監興平宣西征至開封諸故將之不降  
逆賊者兵無所歸多觀望公以忠義禦禦招諭聲振河洛兵日  
以衆適馬士英忌興平威望恐其成功故促入秦欲以死之公

以興平頤恃其勇武不爲賊備興書相戒而興平恬不爲意未幾遂擢許定國之刃兵大潰公駐歸德閩部復以少司馬爲公請遂奉命總帥共守揚州無何

大清兵至揚州城破閩部自殺公不知存亡或云投水死又謂沒於亂兵又謂以黃冠遜去人尚有於嵩洛間見之者著有館閣試草編纂六朝章奏武經七書六子全書

趙翊鴻字充之元通族率奴裔中甲子鄉舉辛未成進士宰武陟解組降淮安檢校寄居廟中止飲淮水陞太平司李丁內艱補保定調順德皆以不殺人媚人去鼎革後屢徵不起平生真心實行終始一節疾篤自爲誌銘稱處士云

西舉人甲戌進士授開封推官承平日久時流寇剽劫梁宋間

民不知兵驚惶奔走數十里不得至城邑多遭殺掠公議築西  
關城處之間以事經南陽汝寧河南諸府皆量其地宜城者勘  
民修築且出俸金助之既成呼爲衛公城又舉城守事宜十三  
則奏記上官上官奇其才凡有警檄公與謀公戎服據鞍一日  
夜率行數百里按視城壘修守禦所過扼塞險易悉一一識之  
以故賊不能犯而執法如山判決如神丰裁嚴峻有衛青天之  
稱時流寇猖狂督撫以李白成羅汝才故欲盡驅西人出城而  
旅之在開封者不啻數千百將糧死地公抗言若是則推官廟  
先去以推官陝人也事遂止所全活甚衆辛巳以卓異徵召對  
中左門力言今天下民窮半以兵半以歲諸臣惟戮力勦寇寇  
平則無殺掠之慘時和年豐而足用故平寇爲足國第一要務  
擢雲南道監察御史首劾中樞玩寇督鎮戰守援兵入城又謂

中州形勢宜分兵萬人爲二營一駐襄城應南陽一駐陳州應汝寧以爲守汴計次年巡按畿南真定諸郡數請蠲逋賦恤饑饉又請正騎兵悍將之罪請革津遼米豆及俵馬之害又數檄沿河州縣安輯河南民之避寇者全活數十萬人事聞再畱巡按一年十七年春賊逼京師李建泰師出命楨固監軍事割京營三百兵隸之行至真定昌平失守焚十二陵享殿欲還軍救之命固守良鄉涿州都城陷疾趨保定行至大石橋遇賊數萬騎與戰射傷城甚衆城少却復益兵圍之公突圍出投井井水淺不死爲賊所執賊攻公不知所終

高辛傳崇正癸未進士初授大理評事

國初改諫垣遷少京兆提調順天鄉試中使送兩生入闈辛傳斤之風節著聞歷官工部右侍郎韓故小邑土狹民稠資食於

延綏各路亂後盜賊出沒芻粟不至辛傳疏請設神道嶺防兵  
奸宄不生商民俱便韓輓創達關二百里苦不堪役再疏請免  
邑人立碑以志不忘

李化麟少有文譽家貧常傭書里中得館穀悉以奉父母崇正  
癸未成進士改庶吉士順治初授給事中晉省民上言某地有  
礦願備資開採廷議將用之化麟力言不可上疏寢其事居恒  
謙厚接物至大義所在不可干以私有罪犯應死者持白金求  
營脫嚴叱之曰殺人者死天可欺乎其清正如此

本朝賈宏祚字永錫順治丁亥進士弱冠能文邑令左懋第極  
器重之性孝友嘗以祿養未遂終身不置酒張樂不衣裘帛篤  
愛二弟嘗捐置義田以通廄恤初任章邱令獄立剖旋丁外  
艱服闋補尉氏邑舊有報墾田六百餘頃爲民累宏祚躬行勸

課稅額始辦內艱歸再補元氏擢御史封章數十上其舉孝義  
重師儒一疏尤剴切出視長蘆鹽政商人例餽金悉屏弗納嘗  
按部所屬餽黃金飲器正色叱之差竣還京請告歸杜門謝客  
登大耋好學不倦所著有西臺奏議巡鹽題稿龍門臥集等書  
子締芳字懷伯讀書勵行少從塾厓李順遊學有根柢聞父道  
左令軼事心慕之爲搜輯遺稿以崇儉一書付梓年三十六卒  
所著有思誠錄

解幾貞山行人歷江南提學僉事力持古道不諳流俗受業左  
公之門文學淹博

衛執蒲字禹濤順治辛丑進士初授新樂令請蠲荒地賦額三  
千緡時郡邑徵賦以銀七錢三分爲額執蒲請從民便悉遵市值  
收錢歲省民財萬餘金流亡漸集邑稱樂土尋遷戶部主事督

理逋倉盡革收漕諸弊廷臣交薦授雲南道御史有請裁所歸  
驛并復設延安巡撫兩疏皆聞大計旋出視浙雖廉聲特著西  
南方用兵秦民困於飛輓執蒲請用水運可自楚直達漢中公  
私交便歷僉都通政先後疏凡數十上二十七年奉差祭告南  
海道拜左副都御史以病卒於廣州

衛秦翰順治辛丑進士少孤育於伯父景瑗爰死闖難兵燹相  
仍旦暮不給秦翰閉戶力學成進士後猶莊誦如諸生時授靈  
壽令民田水衝沙壓戶口逃亡逋賦無著前令率被劾去秦翰  
至遍閱災地詳詢疾苦請令祇納本年正賦巡撫惡其擅將劾  
之檄太守親勘勒令開征秦翰不奉令太守怒杖吏且荷校以  
脅之秦翰曰不開征一吏死開征則百姓死矣言詞剝切太守  
亦心動秦翰又繪圖謁巡撫備陳流離狀哀憇不已巡撫惻然

八告永裕地糧三千六百有奇自此歲豐民樂邑無逋賦遷中書科中書二十八年擢禮部主事歷郎中尋出知龍安府下車卽革里民供應陋例在任九年鎮撫苗獠結以恩信所隸三十司皆輯服以年老致仕歸數百里中多泣送者

劉蔭樞字相斗康熙丙辰進士性至孝事親先意承志視羣從如同懷值歲饑盜起里黨多不給爲貸粟賑荒築堡以守大河自縣東北南山龍門山中兩岸絕壁鉤挽莫施蔭樞治鐵爲柱索舟緣以造木橋橫水石精修補谷坡及城中通衢邑人士爲建祠立坊號曰龍門橋人諱垣章數十上如論秦豫兩省事宜及楚省之利害皆詳大計旋出分巡贛南除私收門稅又來市有爭執甚一清空酌減核計歲入置田以租充額牙稅永除擢雲南按察使後改福建按察使徵徵使濱海秋漲爲害請疏之兼建六河

岸間苦無宿處有鄉紳舍不足葺以席棚不蔽風雨爲捐俸廣增號舍向外改觀並除科場行戶諸累尋撫黔甫至釋苗紳之滄繫者數百人會烏蒙威寧土苗構難藤樞與滇蜀會勘傳檄名之請前素服蔭極恩信率衆偕來諭以德威諸苗帖服遂釋去黔中四塞皆山鳥道盤旋馬莫騁也爲開馬路二千餘里濱水則大修橋梁行人利賴至今猶尸祝之黔省人文蔚起辛卯科特疏請廣解額六名又令都邑各設苗學漸有夔雋者五十四年赴巴爾坤屬閩軍營又屯田塞下歷三年還京師六十一年與子叟寔雍正初賜金歸里年八十七卒所著有周易蓄疑春秋蓄疑梧垣奏議宜夏軒雜著行於世

東朝君康熙壬戌進士事母至孝與兄弟叔姪三世同居友愛甚篤初令蒙陰重學校嚴保甲革行戶蠶稅設催科紙皂吏民

安之朝君聽訟明決嘗於省會一日審結十大案臺司皆器重  
之擢戶部主事外省奏銷例有私餽盡斥之尋陞郎中視學中  
州號稱得士

張廷樞字景峰叅議顧行之子性敏爽嘉獎士類由壬戌進士  
陞授翰林院講官乙卯典試江南其所拔識率多名宿得人稱  
最盛嗣任督學亦如之歷陞刑部尚書持法平允有盜倉庾者  
十數人已擬死樞以例得不死力爭之遂得免後以事歸里

廉能

明程時建字大河嘉靖甲子舉人任萊陽令創修邑志多惠政  
誌名宦嗣陞成都判後數十年而左公令於韓乃爲文以祭之  
曰洛日之邦第生其間聞諸父老公令是頌惟公而直直則惠

焉余登禹門咏蔽芾篇

李燦字斗明萬歷戊午舉人天啟乙丑進士授兵部主事陞戶部郎中守汝寧政得大體流寇薄城公與遊擊朱榮祖設伏執殺盡殲之民賴以安調平陽捐俸修城致仕歸以追餉執至河東曰此吾舊治也何面目見父老乎遂自縊

吳永圖號慎菴萬歷丙子舉人任山西榆社知縣均徭延驛興教化出沉獄百姓愛戴如父當事以過信民貧苦孜居下第歸之日民泣不忍舍行李蕭然以一人擔之而去歸著書自呼農逸者四十年年九十一卒生平學有本源泊然寡欲無喜怒之色性好誨人孜孜不倦人稱慎菴先生蘿石左公誌其墓以爲有道仁人蓋不虛云

薛國彥薛儀十一世孫萬歷辛卯舉人知晉州永平府同知俱祀名宦進順天治中戶部郎中兼攝四門倉解任脫靴鼓吹聲

大內陞保寧知府深山窮谷皆建生祠有薛青天薛活佛之稱歸里以俸餘八十餘金置義田五十餘畝

孫美字厚俗治書經明景泰四年歲貢任直隸古城丞邑民私麥廉正自矣故邑土肥百穀宜播舊無麻公自韓載種教以樹藝漚糴法至今世食其利號爲孫公麻三舉清廉崇祀名宦一統志云清貞剛介一毫不取秩滿貧不能歸士民醵錢以贍堅辭不受古廉吏不能過也

劉自新字銘菴梗村里人端正好學善古文萬歷六年歲貢任邳州同知愛民勤政百姓戴之爲立祠陞東城兵馬以不諳俗罷歸里居讀書教授者四十年壽九十終

薛際昌山西副榜拔貢司山西絳州訓適直指門役係絳人毆辱諸生公執法論之直指怒誣參學憲袁臨疾先生繼咸賦皆

公出入得旨發刑部嚴訊繼成名臣其事得雪公誣亦白反稱  
公大有風力不奈斯文應補知縣以親老不就

張進昌字任宇邦號子敦敏爲諸生有聲辛未歲貢司鐸四川  
重慶攝安江歸江梁及宰平武不罰一錢民戴若慈母如指俸  
儲備審編減丁開寬獄絕賂金其尤大者闡變後隱居不出日  
閉戶讀書諸生受學者甚衆邑侯劉公兩至其門求一見不可  
得淡然寡言文墨外無他好尚少能緩急人賑饑施棺槥無德  
色晚家落斗室蕭然不蔽風雨坦如也有雅量喜怒不形人以  
陳太邱擬之李因爲之作傳

薛起鳳崇正丙子舉人性孝友撫孤姪孤甥督課不較甥後舉  
進士有名起鳳初任黎城造耕織具教民農桑值歲儉勘實卽  
爲請豁又採山開窯制器以利水久其建置頗多實政改任筠

連抵任只攜蒼頭一人以供掃室執爨之役士民服其清正卒於官貧無以殮民爭致贈扒櫬以歸且建祠祀之

劉蔭楫字濟川大中丞之弟也邑諸生以招流議叙補夾江令首重學校捐貲重修郭外有昆陵堰督居民築之溉田百頃餘民稱衆母陞賓川牧先是雲南趙州三處有回龍銀廠一所開廠者三四千人爭訟數年具控制台隨批賓川州審結楫斷決清楚兩造心帖三四日回覆廠人焚香署門大唱佛聲而去識者謂若水新猷與鶴州舊債蓋互相輝映云

范光煥癸酉舉人知內鄉愛民出以樸誠民相訟輒委曲化導使自悔悟梗不率者始刑之卒於官百姓哀號感慕爲之建祠本朝李振麟順治丙戌舉人初令臨武臨邑自賊首曹憲子盤踞積年人民蕩析城中茅舍百間盡屬兵營振麟方招撫逃亡

稍集聊舊有二十四里兵燹後流移過半丁糧不均振麟力請於上官編爲十二里侵隱之弊一清邑境與粵東接壤逼近猺崗振麟練鄉勇八百人立練總四名統之扼要設守諸猺不敢犯界考績擢中書舍人以母老乞歸母壽九十八振麟慕終身張雲桂字天馥叅政公之元孫招流議敘知縣之鴻之長子也以諸生入貢銓平涼府訓導叅憲黃公謂有經濟才委署衛事徵屯糧補階州訓導階爲古武都地鄉試鮮獲售者桂力請於都牧置學田立課期日夕淬厲文風丕變士子登科甲者踵相接後擢諭文縣侍御何公諱宗韓甫應童子試桂一見器重加意栽培卒獲鵬博及任鳳陽時何公已爲廬鳳方面謁見時必延入內座執弟子之禮補訓河州值大兵出塞軍需旁午奉委分勘河州邊戍二十四關皆要害地或無兵或兵少深以爲患

適有廣文入

觀條陳之命遂赴部引見圓明園卽以二十四關地險兵弱一  
奏對

憲皇帝深嘉之

特命陞授武職辦邊務以腿疾辭授陽湖主簿奉委解輯山東  
水患流亡百餘人盡心撫馭俾各沾實惠尋陞鳳陽丞以古稀  
致仕歸閉門靜養十年不出並不投刺公門三膺鄉飲大賓

文學

後周薛裕字仁友端弟也少以孝悌聞初爲大學生寶中多膏  
梁子希嗜學問裕獨研殫之不倦弱冠辟丞相參軍事嘗曰大  
丈夫當聖明之運而無灼然文武之用爲世所知雖復栖栖皇  
皇徒勞苦耳京兆韋質恬靜有志操裕數載酒肴相候談宴竟

以爲賢妻以從孫女卒贈洛川刺史名士多誄之

元郝鼎臣字巨卿號北山韓之平谷里人也性敏識博文重當時金泰和八年試京兆擢巍科哀宗正大六年己丑守商州洛南縣是年十二月元拔韓城七年庚寅元兵掠鼎臣東至汴元太宗七年乙未鼎臣歸韓原十年戊戌試京兆府三登魁甲已而行中書省選充本省叅議兼管京兆府儒學提舉學校事十年謝政其在汴也元相耶律延歎四方之土而鼎臣與焉鼎臣詩曰大道分明有殺機干戈未定更何之寒枝欲發無根蒂憑仗春風次第吹釋斯詩也蓋欲隨世以就功名也顧售之不遠既雖典教而終不與政何耶

明孫軒雙樓村人少授詩善屬文中正統丁卯舉人入大學歷事大理授四川夔州府同知從學河東薛文清公之門

張元善字純菴鶴齡裔孫生而颖拔讀書積學嘉靖乙卯應試長安出闈後偶如藩司見設鹿鳴席者熟視之曰吾當坐第四位耳人咸駭異已而果然隆慶戊辰成進士任清苑令陞成都府同知丈驗屯田督建宗學不受餽金土司作亂時據瀘張公正撫蜀公爲盡秘計告捷擢順慶知府行部分司中夜燈前有陰魂鳴冤者盡皂役謝經所殺也次日一訊卽服立斃杖下閩都皆驚以龍圖稱之以善書名世在蜀有高大光明字刻山壁長安文昌閣嶽廟萬壽閣傳些公筆文名雄甚稱關中傑士著有紫雲稿

梁元善封人登萬歷丙子鄉薦自稱山人仕懷仁知縣博學善古文工詩賦著述甚多亂後無存

張士魁字文宿芝川人司徒公從弟十七補諸生丙子登鄉薦

三中會副馳名藝苑兼善古文詞藻贍典蔚然儒宗考試都門  
日所稱爲總羣言之亞訣寫天地之精華者是也授新鄭縣令  
陞威州刺史歸博極羣書與少保公共修六書賦而韓城縣志  
則大半出公手云

解惟一字守中張村里人少讀書圓覺寺獨坐一室手不釋卷  
補邑諸生益肆力學問而屢試不中久之歎曰學止舉業已乎  
乃開館授生徒日夜訓廸嘗謂學以明道文期主理無理之文  
非文也遵朱子集註詩傳凡偏駁詭異之說屏不爲觀門下士  
近百餘人遠邇負笈者爲築精舍居之解中丞公經邦晉處士  
君賓王萬泉賈子大任皆其及門生平重廉節喜忠孝樂施舍  
每面折人過而復平恕慈良門人聞其賢於朝大宗伯馳錫儒  
林爵以風多士晉龍盤爲之傳

解經達字守和辛酉鄉舉赴家中書舍人遷戶部主事出守袁州與張芑山爾公先生遊爲刻所著述稱賢能簡川北道闡變以追餉死平陽

衛王道字宗極淮北村人邑諸生少治易與解明亭吳慎菴二公讀書紫雲觀以性命相切磋嘗謂讀書非取功利事卽以文辭表見亦豈儒者每究宋大儒語錄危坐求之或走深山俯仰冀有所得居龍門空谷偶觸老氏言謂通於易自號龍谷子已而悟曰入元矣易有太極非是之謂也更號宗極子平生言動不苟正襟危坐雖兄弟妻子亦相敬如賓客家酷貧環堵蕭然處之自如邑令馬公攀龍督學許敬菴先生雅重之著有宗極論得周元公微旨子先範峻節清風能傳家學左蘿石先生誌

其墓尋祀鄉賢

解經鉉字恒蟠贈司馬公少子生而穎敏岐嶷諸兄皆謝爲不及顧累試累蹶會朝廷詔天下士極言得失公上書數千言帝深嘉之後爲司馬所格罷去尋以拔貢終公人文玉立詩格淹雅自成一家善鼓琴書法二王而出之以吳興山左翟公氣蓋一世每折節於公臨終日夢之帝所甚奇未幾卒崑山徐相國元文爲誌墓

解引樾字拙存嵩盤公子天啟丁卯經魁戊辰進士授翰林編修爲人孝友眞摯雄才博學不可一世癸酉丁父艱哭走出都行泥中因成疾家居數年闖賊入閭欲以死報君念老母在堂而止隱居大華龍門間讀書不輟稱韓山樵隱或龍門逸史與楊州姚公思孝時時往復絕口時事有遺史二老之目始公授庶吉士文爲東鄉艾千子先生所重海內翕然誦之亂後杜門

謝客尋山問水每多吟詠而故國新亭青山白髮一篇之中每三致意焉載酒問奇執經請業者趾相錯也所著有素位篇華遊草名勝志澹固稿諸書自爲墓誌銘以終

晉賓王字德明別號龍盤世晉陽洪洞縣人元季諱楨者避亂渡龍門而西窩秦之韓原明初隸籍薛曲里遂爲潘莊晉氏十數傳至百歲公崇化爲公祖化生者賓惟一爲公父於前萬歷乙未八月六日篤生公幼端嚴不與俗伍五十餘歲從健吾解先生學先生器其品以女妻之年二十爲禮學洪南池識拔充邑庠弟子員方壯志希望賢漁獵今古潛心性學與余並太史解剖存衡泰冲共之火龍泉寺雖風雨罔替焉後聞恭定公馮少安詣拜下風遜志肄業不輟治陽令中天范太乙先生重其行

禮請西河講院有持百金央托者不應本邑主河東蘇弗如先生慕其雅時請教有勸以乘機討債者不從父母捐館苦塊書院不內室六年處兄弟怡怡終其身無間言待人仁慈義氣嘗爲鄉鄰抱還棄女給金撫養之至若婚窯葬第苦力不贍者或老幼無依不克成立者胥憐之曲爲之地昔范文正公喜施與擇其親而貧踈而賢者咸惠及之公庶幾其近之已因施致貧家事中落敝衣糲食晏如也逆聞據西京衡文取士公守義不出潛龍盤書齋授文課子著有乾惕錄四書詩經不悖集龍盤集龍盤吟等書抒自性靈俱足不朽矢志林壑絕跡城市間來手植修竹幹栢以適性情其高節清風類如此順治庚子年六

十有六卒

張鼎銓號羅南大父邦敬歷官叅執行新政沒祠於鄉父造昌

舉明經張故望族又明經善治生遂以貲雄於里羅南生而修  
偉既補諸生則好爲詩古文大放厥辭不必盡衷六藝之法竊  
獨斥然自喜也是時北幽文文公傳經青門山左左文信公來  
令韓羅南以次遨遊兩公稱高弟子馮翊間莫之敢先者國變  
乃稍稍講劍術遊俠之事思有所爲輒不就罷王少司徒來用  
總餉秦中雅聞羅南名碑爲掾屬因以轉輸如蜀會大藩某得  
難女贈之異其狀問之爲前督學閩中尹公孫也撫然曰是豈  
可良久則又念返諸藩所恐終不得全乃佯受而歸於路卽呼  
尹若父事我誠從者旁豎一榻而躬與諸健兒周還其間諸健  
兒雖佯諾心甚疑之旣又相與竊笑其迂凡四十日至漢上更  
擇人以禮嫁之於是諸健兒始大悅人人歎以爲難至有泣下者  
抵家凡二年貢京師授定西訓誅茅築室糾諸生講業其中盡

領先世之遺資佐供具兩視邑篆皆有能聲當攝定西時吏某  
主郵金不集自易其貌貸之徐察其困遂折券比代吏民舉號  
遜行與諸生相望更三年調五原會觀察上谷陳公來備兵蒞  
官之明日盛具車徒往見羅南先生會大雪羅南方高臥軒徹  
戶外陳却立移時臥始覺起而班荆畱飲歎甚原父老見者皆  
殊驚歎以爲數百年未有也羅南亦自謂觀察公知我而交日  
進居期陳移雁門羅南起令蜀之威陽欲無行走謀於陳陳爲  
之治裝間關達威威數遭屠戮靡有子遺城市沒荆棘中豺虎  
嗥閭相聞從者皆恚曰此豈人所居者獨怡然觴詠不輒而多  
方緩其流民甫數月及至稽完乃捐苛法一切務爲簡易遇民  
有利病則令人人端孚後言而就中權其可否斟酌往還亹亹  
不倦久之皆爭詣令如父子之語家政者士有來學者則躬自

教之於是入其邑聞絃歌之聲矣節鎮知其賢檄料民於他邑  
不矜已不任名不恤浮言上下皆以爲允當是時蜀新造之邦  
奏計京師苦無章程而皆遣吏庸書於邱遂多訛謬並坐逮赴  
訊西曹久始得直乃竟拂衣去旣抵舍遂堅臥不復起卽居第  
旁別創爲祠伏牘享其大父而以世父平武君與明經配焉諸  
從子孫有貧無依者咸撫之如己出韓人多之乙巳冬卒於家  
羅南爲人孝友好大節然性頗嚴片言不合則叱咤風生其鄉  
人往往憚之居平多讀書著綠園諸集俱行世尤工草隸所至  
必有遺跡遠近爭寶之子之涵之澄之淙涵與澄皆卓立能文  
狀類其父

本朝程必昇乙未進士任棲霞知縣善詩文閉戶讀書不見官  
長已未徵博學宏詞著有白石堂集

吉庚字月三康熙甲午舉人五歲失怙恃有言及者卽哭泣不食願事祖父母迎養嫡叔祖母叔久病事之如其父少有文譽康令君續修邑志採訪商確之力爲多學最淹博而文則抒之以性靈一洗塵氛之習與王巨庵性同契科同榜文齊名門人呂守謙錄其文稿而合刻之

王養大字巨庵性行質厚文亦如之弱歲食餼卽思及整飭先世之墳垣絲毫不以入己卒從其志於今望之堅完而森秀者人皆知其爲餼廩所積也早負文名試嘗冠軍晚益沉俊登甲子賢書與吉孝廉庚爲文酒之歡稱莫逆

呂功字守謙受業吉孝廉庚之門奮厲讀書抗志古人有實踐力行之功以康熙辛卯入泮旋膺秋薦捷南宮任安縣令三載而罷安士民爲之保畱餽贍又爲之建坊立碑遲之十二年而

誌入名宦其循良之績盡有卓然可紀者矣平生敦倫紀砥名節崇品概見利思義積而能散解組歸行李蕭然家徒四壁立既乃舌耕晉土以其修餘給戚屬之乏自謂一生可自信者內不欺心所不見棄於邦家遠近者祇以不敢存不肖心行不肖事存爲善之皮毛而稍異於流俗臨終自爲誌曰以存真吾也所著有四書皮談知非吟

丁蔭鑑字子瑜貪而嗜學每有會意處輒欣然忘食文名藉鄰邑歲癸卯以選拔膺鄉薦任鳳翔教諭嘗訓士子先品行而後文藝在任數年勤於考課每自制一藝以爲式無不老靠切實風士多所造就自監品長於帖括者皆其教導之力也其後數十年因修省志徵名宦邑人採其口碑流傳者五人而公與焉

孫龍竹字渭川幼失恃家貧郤邑王黃渭先生其舅氏也器其才招之從學潛心汲古每至廢寢食及門諸英雋莫之能先也弱歲入泮諸名宿見其文驚曰有如此雄才我輩難與爭鋒矣課試於邑遇得之有命題云命者道之微權也吳令君評云先儒都未道及此其後學逾邃聲彌藉劉大中丞張大司寇咸器重之己酉掄元隨提南宮授刑部主事以親老家貧授弋陽令繼任朝城皆以丁內外艱未及期不獲展所爲其爲詩古文詞雄深刻露直登作者之堂爲其子挾之遊存者僅片斑耳

高世弼字五絃歲貢生孝廉拔之子也幼志儒先之學長遊李二曲先生之門惇行孝友砥勵廉隅衣冠瞻視斌斌質有文制辭尚雅潔有反樸還醇之意講學於家從游之士皆循循雅飭不間而知爲五絃氏門人張大司寇每延之家塾令子弟聽其

講授也同時受業二由者凡四人弼及黃生賈締芳生賈程伊藻監生強獄立皆儀則端方有品概

張緒字克纘少保公之來孫也受業高孝廉撫之門與孫渭川公爲莫逆之交性疎曠喜同人於財無所吝顧以拙於治產屢受困躊而識趣之端正則百折不移於樹衆聚談和光無忤而不隨波爲狂謠每談論古今人文章精神勃發能抉摘其神髓至得意處每欣然忘飢令讀者鼓舞倍生項城令陳謀琅山令張榮闔皆其所從受業者也以丙辰恩貢生任西寧教諭署縣事自道憲以下咸欽重之

解含章字可貞博聞淹貫講學龍門書院丹崖唐令每以政事之暇爲文酒之談歲辛亥奉

旨纂修陝甘通志沈道憲寓丹公檄章與其事乾隆丙辰徵應

博學宏詞選張太守至祥修郡志草採訪之力尤多以歲貢生司訓南安有諸生程某者爲兵弁汚以賊力爭得雪多士快焉後任華昌府訓所著有南安集乾隆己亥藩憲檄其詩賦入閣中名稿中

衛祖頊字瑞燦孝廉蓋臣之孫也記誦廣博喜山水名勝畱心人物康令修續志膺採訪者五人君與焉所撰有龍門八景入今志

### 武畧

戰國司馬錯與張儀爭論於惠王前司馬錯欲伐蜀張儀曰不如伐韓王曰請聞其說對曰下兵三川以臨二周此王業也今夫蜀西僻之國而戎狄之長也敝民勞衆不足以成名符其應不足以爲利臣聞爭名者於朝爭利者於市今三川周室天下

之市朝也而王不爭焉顧爭戎狄王業遠矣錯曰不然欲富國者務廣其地欲強兵者務富其民欲王者務博其德今夫蜀西僻之國也戎狄之長也取其地足以廣國得其財足以富民結兵故拔一國而天下不以爲暴利盡西海諸侯不以爲貪是我一舉而名實兩附而又有禁暴正亂之名今周天下之宗室也韓周之與國也二國並力合謀以困乎齊趙而求解乎楚魏臣所謂危不如伐蜀之先也惠王曰善卒起兵伐蜀十月取之

金薛儀姿貌魁碩倜儻不凡有四方之志旣冠值金末世元太宗由龍門渡河而西儀率居民迎之帝命招降河東北山諸堡寨儀諭之歸者雲集帝喜其能賜以符節俾爲千夫長時河南未平詔儀從河東帥李守賢征之旣而平定命爲潁州守潁州儀之鄉也里閭錦衣人所深願而儀得之卒葬新莊

元趙率奴從元憲宗征蜀以弔魚山功封義副侯懸虎頭金牌  
宣差收鎮楨州達魯花赤因家于韓太微官其施也

王應朝豪俠有氣節膂力絕人明季盜起西川一帶盡爲賊藪  
應朝直入其營斫殺斬首數級邑令左蘿石嘉其武勇請授千  
總防禦有功每遇賊戰則所向披靡一以當百七年賊圍澄城  
應朝同韓仰營兵將勦殺力斬數十級生擒數人雄勇振一時  
旋爲領兵者忌而殺之蘿石哀之祭以文

閑人

韓城縣志卷七

孝友傳

薛濬字道臘閭之從祖弟也父珍周渭南太守濬少孤事母至孝慕古人之學求師長安江陵何妥見而異之授以經術太和中襲爵虞城侯歷新豐令開皇初擢拜尚書虞部侍郎尋轉考功文帝聞濬孝以母老賜輿服几杖四及珍卒當世榮之後母卒詔鴻臚監護喪事歸葬夏陽時隆冬極寒濬衰經徒步五百餘里足凍墮指瘡血淋漓哀動朝野尋起令視事濬屢表乞終喪優詔不許及至京帝見之改容顧謂羣臣曰吾見薛濬哀毀不覺悲傷濬竟不勝喪而卒年僅四十二時弟謨爲晉王府兵曹叅軍在揚州濬作書遺之詞甚酸愴訃聞帝爲屑涕降使齋冊書弔祭濬性清儉死之日家無遺資子乾福武安郡司倉書

佐續志

薛真字伯英少力學長辟椽吏爲渭南主簿以孝聞父病侍奉湯藥多方無效乃於靜夜焚香北辰剔股肉熟而進之父不知其股肉也食之而安人以爲孝感所致云夫割股雖屬國制不旌然人子一念之誠不可令泯泯故志之前志

師恂儒林坊人孝事二親親歿廬墓三年晨夕哭拜不離墓側縣君賢之爲加冠帶旌其門

馮邦典邑諸生上官莊人父母歿各廬墓三年子諸生馮盛世亦廬墓者

劉皓然字天衢邑諸生同弟闇然廬墓賊至不去賊相戒勿近其聲曰此廬墓孝子也邑侯左公聞於上表其居曰二孝子之門

王善新東少梁人蚤喪父事繼母極孝母病至吼血嘗糞母目兒真孝子矣左公旌其門

閔和羨性篤孝父歿廬墓三年流寇刦掠人皆遷避羨獨不去哭曰兒在此父勿驚後以歲貢歷官教諭

王印芳趙西里人嗣於諸父克盡子道曲體親心鄉黨稱曰孝子

郭殿者龍門下峪里寡人也未嘗讀書學問心摯孝父客商三十載母病瘻手足不能自舉伶仃窘甚負薪供朝夕值霪雨突不火者三日僅得錢若干文昏暮抵家求諸隣易米數合躬執爨伺母食夫妻勺水不入口每出輒囑其妻孝事母妻亦能盡其心又念父子各天罔極未報因遘疾願天請代臘月鷄鳴起焚香拜北斗者三年朔風凜冽不恤也友人雲嶠子錄其事謂

三釜之養反不若百里之負而窮巷淒其之子處仁蹈義終其身不掛士大夫之口行湮沒而無聞者比比然矣野史氏曰余讀郭寔人孝養事實不覺三嘆也嗟乎士大夫誦法聖賢比禮樂明發懷二人尙自愧孔子以宗族稱孝列士之林孝者百行之原也彼能培其原而知所重雖往古孝子何以加哉

謝本軒字慎掬邑諸生幼以孝聞父歿築室墓傍居處三年樹柏成林

趙良相郭莊里人祖母終持齋一年母終廬墓三年父及繼母終真齋三年

楊宏恩芝川人幼喪父事母能孝撫幼弟成立極友愛縣君題門曰孝無間言

張祚昌東少梁人庠生三歲喪父賴母成立母歿廬墓三年

趙相堯字封庭庠生親歿廬墓三年庚辰饑捐穀賑之邑侯表其閭

李檀諸生平陽守李燦子李賊追餉繫燦至平陽檀號泣隨之侍養不離燦自縊檀以罵賊迎刃死死時年二十二

衛仲堪字勝公江李人孝友篤至母病衣不解帶者數月及歿哀毀骨立不入私室中已卯舉人未幾卒

董士孝邑之細民家酷貧傭以養親嘗爲走文夫每遠出則留顧值之半爲父母飲食資母病祈禱百端至於嘗糞隆冬極寒時懷父足而坐夜則以身溫被辛未饑不能舉火代杖覓錢以爲養仍不令其親知之以爲常

韓四維號仰乾增廣生員彭村人事父以孝聞子四人孫八人下逮曾元共五十餘口聚於一家秀習詩書朴勤農業教家以

忍讓勤儉爲主不肯分爨扁所居曰百忍堂邑令屢旌其門蓋同居者五世云

王汝惠善民與其弟汝玉相友愛如孺子時汝玉每適田則汝惠親爲之餚子弟雖衆弗使也怡怡農畝間問飲食雖白首不易蓋鄙野之氓目不識丁者

張售珪歲貢康熙辛未旱蝗售珪館上郡巡父就養父老不能騎以肩輿度嶺嶺險峻輿夫不能前售珪自昇父山行數十里父爲嗚咽售珪示跕躍以慰父事兄恭或加詬杖恬受之工文嗜學試輒冠軍邑令延之爲學師

解體健順治丙戌進士髫年父病號泣于村社名廟祈代父母發育於兄嫂後事兄如父歷宰武強龍陽俱著惠政

薛爾昌衛引嘉衛盡日望之以繼易其親者昌大學生國觀仲

子府中書舍人年十三值閩逆劫兄爾章拷餉昌詣賊願代笞  
掠賊義之幽禁年餘脅之降不屈敗敗脫歸痛父慘死絕意仕  
進年八十八卒嘉順治乙亥進士明末閩逆入關嘉父之琯叔  
之琚堂兄引文悉被執將害之嘉甫弱冠挺身赴賊願代備椎  
兇慘卒不屈知石首縣值寇發城幾陷嘉率兵民剿平之糗糧  
芻粟不煩間左右首至今感頌五世同居課子弟必嚴多造就  
族黨之好學者蓋臣父先範亦被逆索餉備受慘毒蓋臣朝夕  
環泣兩閱月得閒以其父逸歸又冒死訴臺司雪弟冤繫營構  
龍門社學邑之先後登賢書成進士者多出其門蓋臣亦以順  
治庚子舉於鄉衛鴻幼隨父引文宦京邸年十三值閩變引文  
緇衣南下母張氏死之鴻扶母喪及庶母卞幼弟嵩齡西歸中  
途夫弟所在抵家葬母訖卽出尋父與弟時南北路梗乞食以

行後知父盡節維揚求屍不可得因招魂歸葬再出訪第歷四載至蘆溝橋旁遇民家子殊肖父叩之果然乞歸課讀歲辛酉嵩齡舉於鄉族人有從父於難者給田以贍其家周貧恤苦前後損債焚券不下數千金鄉人稱其孝義後以明經授鎮原訓導不赴

程毓槐順治甲午舉於鄉母亡在殯值閩亂村人皆走匿槐與弟諸生毓標守柩不去賊刃脅之槐標爭就死賊義之後過其村曰此程孝子莊戒勿犯所居西川里當韓孔道山徑寄嵌每霖雨輓輸不至捐貲開鑿韓人賴之又以西川瘠貧人多廢學爲達學延師課讀來就業者多致科名續志

高汲引邑諸生流寇亂時爲母守柩不去陷於賊不屈里人以

李義樹之乾隆八年旌表

高巍然字長峙邑諸生順德守來鳳之子也大父庠生原正陷  
關賊中巍挺身赴賊被挫辱百端罵益厲賊以溫語啖之卒不  
屈而死時年三十一矣其後七十年而吳令曹直爲誌其墓謂  
數百年猶有生氣也

強敬業經商爲養父歿營葬屢變盡白初家貧以商致裕均與  
弟無私財庚子饑私以百金付學博散給貧者居恒以謙謹稱  
考授州同乾隆六年旌

解光紳以明經任府谷訓導性孝父患瘍臥牀累月紳晝夜扶  
掖中夜執香泣禱香盡爇指不覺痛旋愈與仲季尤篤友愛

吳普諸生羽聖子聖得姦疾夜數食飲稍拂意輒呵責普方弱  
齡中夜數十起家故貧盡則拮据求錙銖夜具饌和顏以進已  
率枵腹辛未蝗災母又染疫舉家嗷嗷普供父膳侍母病無少

缺數月亦大病於父母前猶勉爲強健狀叔母以疫死子六齡  
普葬其母撫其孤爲之娶婦乾隆二年旌表

孫龍鱗廩生學識開朗克竭孺慕親歿廬墓三年乾隆五年旌

表

陳垣諫嘗商於外忽心悸知母病也卽歸事不忍再出後予以  
敬入泮乾隆八年旌表

張七洪貧而能孝中厥抱孝於親篤於弟妹俱乾隆十二年旌  
表又趙棟買已田產代弟償債

薛之棟拮据奉親嘗逢災賈其子乃遇人贈得金乾隆十九年  
旌表

劉大本太學生親亡廬墓天性純篤乾隆十九年旌表

朱性蘭邑諸生少失恃奉繼母如所生於其兄惟馨弟惟蓮終

身友愛從未聞以財物故稍有片時爭端兄年老性頗拗或有呵責笑受之後雖析居每有鮮食必先爲致之爲人篤厚而端方戚里咸欽服焉

吳旭邑諸生性純篤親沒廬墓三年後遇疾風雷雨必至墓所守慰之邑令唐匾其閭曰終身孺慕吕个臣家赤貧母柳氏病且久孤身奉養不倦後爲人傭工每食時先歸奉母而甘其餘主者問知之令臣飽腹而外給其母臣曰不敢先也陳署令英聞其孝賞以金令娶妻奉母匾曰孝道可風

吳遵誥武生兩歲失怙事母極敬母素惧風雷沒後每值風雷之夕卽赴墓所泣慰曰兒在母無恐觀此其事生也可知矣樊璿邑諸生儀節莊雅奉二親省問視膳恒恪謹親疾視湯藥衣不解帶甚至忘寢歲時追薦懸像流涕老而彌虔伯兄病姪

外出時已析居必爲之親湯藥焉其族人樊小前左手瘻口垂  
慈水赤貧如洗民之至無知者日嘗挑水傭錢以供母又嘗負  
母乞食以養之母年八旬而沒沒後值炎暑不時携茶奠其墓  
謂已渴母能不渴乎其性行純篤如此

陳謨字臯颺項城令謀之弟辛卯歲儂族鄰多有困乏者以五十金分別賑贍之平生讀書嘗慕漢

薛包之爲人及與從弟析居時叔父之子凡四人已與兄二人  
念先世友愛之誼宅舍器物酌六分勻之其從弟監生詢亦遙  
完室於胞昆季焉

文苑字翰章邑諸生事繼母極得歡心家雖貧甘旨無缺同胞  
四人苑居次兄弟俱乏嗣於已三子中擇其家者繼之長作又  
嗣伯兄幼子作人嗣季弟皆讀書成貢生

張建侯性體篤厚事親每曲意順承邑令石匱曰能養親志  
許漸幼失怙母衛氏病諸藥不效漸割左臂逆母食之果愈  
馮仲玳大學生意慷慨尚氣誼友於兄弟妹適於楊姑老二子  
幼其夫嘗外出舉家嗷嗷玳爲拮据綑繆俾勿顛終始不懈從  
予中有困乏者屢加推諉值歲饑割腴田得五十金賑閭里之  
貧竟以好施致困居嘗磨麵治生貧人至其門必減時價之二  
文以爲當

薛白敬貞生幼貧苦勤儉治生既而家計漸豐於時諸從姪及  
其姪皆無藉敬招之同居各授以業兼爲之援例成名

趙元珍幼失怙母歿廬墓三年生貞姬鳳岐父歿廬墓三年生  
員王天猷母歿廬墓三年

楊作幹少孤事母陳氏敬養備至母素病醫鮮效嘗糞下藥始

愈後因習醫濟人終不計酬也學憲稻園曰一鄉之望  
張謙慎潘庄人姊適晉氏少寡有女二慎名歸同爨擇諸晉爲  
立嗣婚嫁事皆力營之並給以宅焉

馮克讓太學生馮溫生嗣子父有腿疾讓延醫百治事繼母勤  
慎無間言邑令黃圃曰克念天顯

衛實奉親極孝生事葬祭誠敬無間父病歷險延醫嘗得神佑  
又嘗沾水他鄉遇賊將奪所負實泣曰米無幾也柰老親餓死  
何誠憐之放還家

史帝輔大學生自其始祖大仁著有齊家規一編世相傳守及  
輔七世家有八十餘丁和睦合爨學憲汪圃曰百忍齊芳又武  
舉趙紹先者自伊太高祖士顯至其子繼述七世同居又馮有  
福自伊祖至有福兄弟四人子孫繁衍翕然和讓不忍析居

劉參星年二十失恃後又喪偶遺一子遂不娶孤身事父敬誠者六十年邑令張匾其門曰孝義維風

張祿兄弟四人祿最少父以食指繁遺命析爨後痛諸兄衣食缺乏悉令合居已嘗辛苦以佐兄讀其純厚可知矣又生員孫復翼與堂叔元瑞析居後叔破所分業翼商諸兄弟仍給以產劉緒良監生同堂兄弟四人而已孤生析居時田產所多推讓不執兩分之說里人義之

李如梅東少里人家貧年八歲父出外貿易不知所之年二十尋至湖南省光化縣父已卒即扶柩歸里竭力營葬後以畫鋪生理不時歸家省母嘗囑妻馮氏不可違忤或不聽母訓即出之母歿哀痛盡禮歲時追薦必備物焉年六十始再娶生四子今八十二歲

義行

党孟輒千谷里人嘉靖己亥歲里有逋賦衆不能辦議他徙以避夏楚輒聞而尼之乃捐三百金代輸焉里衆感周急聞於知縣姐昂榜諸邑門以旌之嘉靖乙卯歲秋霜殺禾冬地又震輒有粟三百石貸者不能償輒悉出券焚之曰歲厄如此不忍相迫也鄉黨聞之共頌其義又夜嘗有竊衣帛者家人覺而縛之一旦視則菜色人也輒不訊而釋焉事傳邇邇人遂號爲黨義翁一日暮歸遇禦人者於鴉而坡勢將被執聞輪語駭曰乃黨義翁也各避易去至今里巷相傳以爲侈談云

程萬里字翼鵬號鳳山性慧知詩以增廣生爲國子生方事涉獵而二弟夭遺侄典與幼萬里獨拮据恒產裕如也久之爲平陽府知事爲寧波府經歷身雖遠外而家政遙制者嘗秩然其

誨典與學也殫厥心力察典質令爲國子生令與卒業爲舉人  
然給與金視典不減也萬里子五侄二財產三分之卽宦積俸  
餘器用亦不自私而三分之宗族稱敦焉鄉黨稱懿焉余嘗之  
其宅見遺器之均也嘆薛包之行於今再觀焉是可廣教矣故  
傳之

賈淵世居邑城一日晨出遇一小婦家失金鑛泣覓於路久之  
不獲執淵拾其遺且云鑛關軀命淵素長者憐其急以妻鑛給  
之後婦折衾襍前失鑛偕夫詣淵謝且償淵所給鑛喧動里閭  
邑令王鼎聞之推爲鄉飲耆賓

高旻寺庄里人元韓令三世孫通詩書易三經屢科不第隱居  
間里從學者百餘人值歲祲旻蒿日不忍捐粟賑之時縣宰李  
欲移稅課局於城中旻以菜園一所慨然捨焉異日自父任歸

覩一稚子塗哭詢其故哭者曰吾母孀居暴疾卒壙葬乏資柰何晏出路費三兩助之後二孫高嵩高璫俱膺歲薦壽九旬終梁民養邑諸生帶村人崇正八年流寇至民養携家人砦自保寇圍攻急度不能全泣跪共母衛氏前母自裁因手刃其妻衛氏並一十五歲室女有三子遣之去遂自剄死未幾砦陷邑侯左公石公俱旌其間子伯鐸後以歲貢顯

衛昌開王午副榜有奇才國變後與其房師顧公咸正去遠遊不知所終

薛敬禮郝莊村人正統七年歲大饑出雜糧五百石賑貧奉旨旌表立碑本村卽方伯太常之五世祖也

韋鑑彭村人正統時饑出糧五百石賑濟奉旨旌表

韓九福謝莊里人荒歲輸粟七百石賑之而焚其券正統時賜

考品服色

王伯益明正統七年同弟經益炳益出粟五百石賑饑有奉旨旌義之碑

程景芳正統七年賑粟千石奉旨建坊

白簡柳村人宏治二年饑施谷五百石賑貸有碑

高榆邑諸生已卯副榜爲人雖儒者然性勇敢敦尚氣誼崇正已巳歲饑民不聊生公爲惻然奮起曰此時不能救人於死雖日談經濟無益也急市城中垣地得百金趨縣堂以賑濟事告縣宰曰生賴耶若貧士焉得爲此公曰吾固貧然貧在家不任心也令奇之爲請於上建有百金尙義坊後因流寇無虛日衆以公才勇而正直推請爲韓鄉營守備以子貴贈侍郎祀於社公少受業長安馮司空之門故能卓然自樹不負師說如此

孫必達字成章一字非闇甲戌進士授臨潁令丁內艱補邯鄲  
華儀馬節郵傳修學官折獄尤明閻變後遁跡岩阿長吏求  
見不可得杜門不出者凡三十年

陳佑聖崇正丙子舉人嘗以百金濟歲饑化導鄉里整飭約規  
凡開設酒房務賭博者有嚴罰里人遵其約規迄於今不替  
變後隱居不出

張京瓊康熙丙午舉人素行孝友事姊唯謹篤友誼辛未蝗災  
捐穀數百石給親族不足更鬻產濟之宰慶都民乏食力請發  
穀麥以貸復緩征又捐俸置學田士民刊有實政錄

張顧行康熙丁未進士幼出嗣孝於本生父母撫從孤子孫嗣  
業師許某之貧歸其喪於中州壬申關中大祲顧行歸自黔陽  
過流離滿路沿賑無虛口抵家毀飲器典衣物妻薛氏脫簪珥

佐之得千金糴粟散賑全活甚衆自縣令至督叅政廉明特著  
衛靖中字羽明天啟丁卯經魁唐舞教諭歷河南推官閩楚後  
隱居不出

孫沅字元圃雙樓村人諸生鼎革後高尙不出爲人剛正有節  
概不信星厯能以禮正俗尤重然諾慷慨雄激嶽嶽動人有故  
紳以事籍其家妻子入旗公易田產得百餘金贖之而與紳初  
不相知也負笈訪友徒步遊江淮客死白門所著有野史刻之  
以傳皆記明士大夫屈身從闇而彈冠授職者

陳綏康熙庚午副貢幼聘於程旣而女失明女之父不安於心  
則就而議退焉縗父生員一德不以爲然而未能自決也商諸  
子絅曰始聘時此女未嘗失明也我家不願彼將安適乎父曰  
兒之言是也卒完娶足徵學識之過人矣後以鎮原諭陞西寧

府授署西寧縣事子嗣實入泮

劉士藻字潔齋譚馬村人增廣生受業安邑曹鎮予先生之門  
性磊砢峭岸與人寡合人亦莫敢近也甲申後絕跡公府棲稜  
孤立教授生徒以自給日晡不火晏如也有勸之仕者則曰吾  
受全歸全得爲清處士足矣時號曰勁節先生

強景琦字營如諸生居北關杜孝友受業曹真予馮恭定二生  
之門逆闖變後高尙不出

強秉乾字乾若諸生居北關隱居宜川者三十年

李淇不字澄源諸生薛曲里人讀書力田高尙不出足不涉城  
市年八十卒

李鴻名字雲衡諸生薛曲里人高尙不出

楊青芝川人諸生高尙不出

南鄉諸生江李人高尚不出家業饒悉散與族人爲歲時祀先用自作黃冠遠遊方外暮年始歸

陳瑞國學生字仲玉康熙庚子歲大荒家頗有積粟日與其二子分赴集市出糶之歸而詢及某某困難支則曰不善治生故至此可不慎乎終不言已意以嗜酒得疎症口不能語而卒啟篋視之則爲金寥寥無幾母曰吾每見於夜間在我所夾銀成碎塊包封之而未問所以也比及歲稔登門完趙者以漸而至計金三百有餘無賑簿可稽嘗乘驛遠出夜醉而歸仆於地遇數賊人至其前詰視之則曰此陳家伯也扶乘至家然後醒因問曰客何爲者其人具言不諱爲具酒食勸以正厚爲贈而別其後以孫謀貴贈彰明縣知縣長子士偉邑庠生鄉飲大賓封彰明知縣次子士倬監生皆淳白長厚孝友嫋睦之風傳乎閭

里

王廷諭字可道號行一早失怙兄弟三人貧無貲諭竭力經營不辭勞瘁漸致豐裕諸子姪皆令讀詩游泮登科者濟濟一門都憲公杰其尤著者妹氏家貧爲之輸租以給耕鄰有欠債不能舉還者卽毀其約有族人舉喪無葬地以己地給之無德色也邑令劉延爲鄉賓

吉維前卓立村人初家貧兄弟商於豫至呂家潭於廁上拾銀五百餘金卽候其處有客倉皇而來詢之則遺金者慨然與之客欲分餽其半維曰如欲分也豈候汝哉客愧謝之維兄弟五人式好無猶後成巨饒喜施予又有晉錦者拾三十餘金於城內候其人至卽付與之並不白言其姓名又監生陳

城內

薛之桂城內人有張姓女所買婢也蓄養七年及笄矣女父來見之意甚慇桂卽面毀買契令携歸擇良匹焉有西原地四畝王姓原業也舊買於桂後伊葬父母謀地不得桂問之慨使歸贖再讓價數十金其人戴之贈匾以旌其德

王炎如諸生邑有王藉者炎如贈以貲生理於外藉死其子八齡炎如慨爲搬回其柩養伊妻母並教其子讀書至二十餘年其平日助人棺葬濟人苦難蓋好行其德者亦可謂敦古處矣師貞充貞生井溢村人也其先世周急濟困歷有善行及貞充慷慨好施更慕爲推解之風壬申歲大饑充首請於官自設廠於廟於村南法王廟以食邑之餓者日千餘人已卯歲又荒亦如之其叔文珖家素殷實充並勸其增廠施粥全活愈溥  
衛霍貞生性曠逸嗜游覽尤好施予急人之難乾隆甲子秋無

禾里多逋欠霍代輸之戊午歲饑僅霍出米設廠減價以救之他如茶亭義塚折券諸多善舉則里中人往往能言也

張元棕貢生芝川鎮人尚義好施每歲饑輸金濟貧二十五年有宜川楊姓與妻里氏携幼子逃至鎮寓旅店皆病數十日無費以還主人因鬻妻於邠陽人痛哭旅所棟聞之代還所欠即安置別所給衣食後與銀十兩令歸家其人感德謂如再生李廷選乾隆十一年出谷三百石貯社倉又捐建窖倉一座邑令唐詳請八品頂帶以旌其義

薛芝邑之耆實也庚辰歲有延長李生被堂兄誘夫婦至韓北關而欲買其妻芝孫增生名獻聞而責之伊兄覺遂移八仙鎮獻即夜趕歸芝慨爲置宅且衣食之令讀書後李旋里食餼今已入貢矣又生員楊宋鎮值歲荒有鄰人段姓者欲買妻於外

鎮爲毀價契給薪米養之終免離散里人稱義焉

王被徵張少保家僮也幼從少保畧知文字事主忠順閹城陷京師徵詣少保墳哭叩曰僕從上食先朝澤久今主之主已崩僕不忍苟生也不食數日而死

王忠監生王廷璽之僕也初幼主湘讀書惧父晝之嚴也而逃之忠且泣且訪飲食俱廢三晝夜得而見之撫以歸復惧主責之嚴也哭勸解免後湘每夜讀則忠常伴門外間卽苦勉之雖風雪未少離也主憐之則泣對曰僕承主恩四世此不足以盡僕心且何以見數世主人於地下耶湘後入泮里人咸稱之曰忠可謂忠矣

韓之士民尚義者種種不絕當關賊之禍縉紳追餉死於山西紅芝驛者則王秉乾代父俊民衛引昶代父拱宸衛鞏固代弟

植固衛景璋代從兄景瑗趙光運代父趙濂劉廷相代父永祚  
高巍然代父來鳳解宗仁代子居易解光纓代父引標解光纓  
代父引樾皆間關毒苦爲親受戮碧血千年首邱無地固可哀  
也其諸拯人於厄施粟施金修理助建者則解嘉猷以數百金  
救人急難馮雲鶴爲義學義墳陳棟捐金助修學宮又捐金施  
穀諸生王宏任以垣房一區爲太史公春秋祀又歲於濠水設  
橋以便行人義民薛廣獻歲給貸鄰里重給物價及避人盜禾  
義民解執中歲饑施粟施棺人稱解佛邑令魏公舉鄉飲曰非  
是人不足坐正席壽百歲無病而逝舉人陳佑聖以百金賑饑  
楊福厚歲荒施粟二百石濟衆諸生劉士龜歲荒割腴田易數  
十金糴米賑饑柳奎先以麥舟貸鄰里不責券郭家興賠納本  
里逃戶糧十八石張斗宿募金砌司馬坡建芝陽橋諸生徐州

牧孺士張奇

薛廷梓孫繼孫章奇孫繩緒楊建章薛孟祥孫

世家同天寵你榮宗輸穀救饑諸生陳經傳蠲免租課王亟正  
輸粟數十石煮粥賑貧生員衛之琛施金築渚北城施穀豆數  
十石濟衆燒去文券賊至亦稱善人不犯其家生員郭文桂出  
百餘金爲里甲支差役序班楊進輸粟救貧輸資助餉諸生孫  
一鴻出金給軍戶之貧者爲義倉以禦荒郝莊諸生薛光遠以  
六十金買劉李二民妻被掠者於流寇又易產贖河東生員任  
之奇任之珍妻於賊營諸生薛乘龍孝事繼母施醫藥義塚葬  
孤貧順治中晉人有以良家女轉賣韓爲倡者龍以三十七金  
贖嫁士人又晉中一令因事賣其孫爲韓人奴龍貸金四兩贖  
之歸清澗自足長託妻寄子內外十餘口龍爲給薪米者九年  
延安楊尚書孫婦病死周原堡不能歸葬龍爲具棺衾以驃車

歸之王文資母卒不能歸土龍爲葬之至拾金不昧者又有張  
裔金計八十兩孫毓菽四兩武祥佑三兩孫昌杰三兩文券一  
一百兩又王珽尙於南都會買杭綾二十其主誤送四十珽方  
他出經月歸卽召機戶還之一時稱爲義士綾價每疋四兩計  
可八十兩

本朝

師貞充附貢生并溢村人也其先世周急濟困歷有善行及貞  
充慷慨好施更慕爲推解之風壬申歲大飢充首請於官自設  
飯施粥於村南法王廟以食邑之俄者日千餘人已卯歲又荒  
亦如之且嘗教其子彥公曰昔范文正公做秀才時卽以天下  
爲已任汝曹欲繼祖武萬不可少此襟懷以故彥公舉事常以  
道湖爲競競歲戊戌韓飢彥公卽出粟五百石以賑之又建祖

祠剗地若干畝以廄邱里黨立法數十條以獎勵讀書倣義而法較周詳韓之人咸以爲有先世之風云

師文璫監生井溢村義士也每有施予從無吝色已卯歲飢家無餘粟捐銀三百金以賑之全活甚衆邑侯聞於上憲旌其門曰義篤鄉閭戊戌又飢其子元遂亦捐銀三百金以續先緒藩憲富旌以一鄉善士所以韓之人咸以爲世濟其美云

流寓

宋楊春絳州人神宗朝以武畧授延安路兵馬都監佐韓范二公出住鄜州以青苗法忤宰相挂冠歸寓芝傳因家焉

元王明字子開號龍溪文中子之後居汾水北固鎮宋末金初募壯士自衛世祖南下率衆歸之以收服西延平慶功勅賜金符封鎮西軍民元帥開國元勳鎮禹門子二長用賢世襲次用

璋登鄉薦知楨州擇姚莊遂定居爲籍

方技

宋房寅家世龍門居西莊北井溢村相傳爲楚之屈姓三閭大夫原死三子俱入秦一處耀州更姓孫隋唐徵士孫子思邈其後裔也一處蒲城仍本姓一在韓城更姓房者是也寅爲人容貌古朴善禁呪之術年一百一十歲解去墓在文嶺之陽宋真宗病痘諸醫藥之不效一夕帝熟寐夢一神人怒目巨睛乘蛟龍御空下一紫衣童子仗劍執厄前爲導已而神人以水噀之者數四未幾香汗淋漓頓覺體輕如無病者然帝問卿何人對曰臣家韓城居槐柏相抱處帝狂喜封禪每憶夢中事欲作祀而未果一夕復夢神人至乃以禮歎之且謂若起朕於沉疴幸進而教之復詰其姓氏家居歷歷陳之已而不見遂詔訪所居

果得韓城北槐柏相抱地爲接神之域因効建廟以祀之對號  
法王歷代以來香火日盛每歲清明報祀者凡數十村澄邵諸  
邑亦皆建祠疾病痛楚禱輒應焉

明郭文英韓人也少爲人牧羊以戶匱乏入京抵役朝夕肄  
規矩鼈龜繩繩久之以巧力聞爲作頭自是見知世廟每一工  
竣則序勞晉秩累階至工部右侍郎賜三品服色足爲鄉邑光  
寵矣而韓之人尙嗟山川之氣毓不爲臯夔而爲工垂亞流云  
仙釋

劉仙不知何許人修煉於橫山居石穴中一日飛昇後人名其  
穴爲古仙洞

元薛致元至元間修煉太微宮朝廷聞其有道術詔對賜號太  
霞真人及金冠臨終作辭世頌

姜善信趙城人世祖在藩邸召見卽位三徵奏對多所裨益龍  
門建禹廟賜建極宮命奉香火封靜應真人

吳翠巖授道於游搏嘗得全真術又得王玉陽秘訣通周易喜  
與儒者交遍訪名山至此以爲勝地居石洞中不畏寒暑嘗聞  
朱子敬齋箴知修道真訣聞孟子存心養性事天旨知默朝上  
帝無過於是洛陽祿權爲序其徒郝淨元刻碣山中

明郝淨元洪武中創建橫山觀師事翠巖真人每兀坐石穴中  
一日獵者逐雉入穴啓衣覆之跡及問雉所在答以無有獵者  
嘆曰淨元欲仙再待數年言已忽不見久之郝羽化去傳有秘  
書在石碑穴下爲人去取

國朝通賀韓城人少嗜浮屠學剃度後卽師事鑒如聽講楞嚴  
法華諸經三年盡得其義聞

世祖設龍華會於五臺首往受千佛戒至京止憫忠寺會文皇后達和選名僧諷經通賀與焉

后既愈

賜紫衣一襲時名僧報恩卓錫江南遂南遊問道瞑目趺坐者七日豁然頓悟西歸閉關藍田之寶泉寺歲旱禱雨輒應甲戌臘月整衣沐浴說偈而逝續志二氏之言儒者不道然其清真寡欲卓然塵外視世之稱說詩書而趨勢利若驕奢反爲異端矣錄仙釋所以愧吾徒也薛文清公曰汨沒於聲色貨利之場何道之敢言信夫信夫

壽官生員陳炳生員王養熙生員王知徹劉雲鳳俱於乾隆元年恩賜修職郎

壽民

程仲載北隅里人爲人孝友敦義讓喜施捨形貌朴拙精健非常壽一百二歲

孫環范村里人正直好義壽一百三歲屢舉鄉飲耆賓解執中張村里人壽一百歲

衛之璧壽一百一歲雍正十三年旌給坊字曰昇平人瑞高乙坡底村人壽百歲村中有碑

壽婦

解氏賈世成妻趙村里人好行善事壽一百五歲左公匾其廬曰人瑞石公匾曰百有四歲

薛氏王應車妻東少染人年二十二夫亡守節孝親撫子壽一百二歲

薛氏陳守分妻未及笄守分商於外十餘年不歸傳言已死氏

待年既久父母翁姑欲更嫁之氏堅持不從至二十六歲守分歸竟完姻生六子諸孫五十七人人以爲受天之祐云壽一百有四歲邑侯魏公匾表曰百有餘歲

馮氏杜文策妻壽百四歲乾隆二十四年旌給坊字曰貞壽之門

屈氏任御柱妻壽百有七歲乾隆二十一年旌給坊字曰白壽之門

段氏鄉賓李維斗妻壽百有一歲邑令婁屬曰壽比松筠府憲張匾曰閭範永貞

韓城縣志

韓城縣知縣傳應奎文軒父重修

汝陽人

永寧縣訓導蕭宗思履中父恭訂

汝陽人

人物續傳

文靖豎字西周相李里人生而穎敏從父庠生少峰遊學長安講解輒見大意年十六失怙事孀母至孝受業於史大章之門奮勵讀書手不釋卷每有會意輒欣然忘食文名藉鄰邑弱冠入庠旋食餼雍正乙卯舉于鄉性躊躇于財無所吝家雖極貧凡族里有喪葬婚嫁弗能舉者罔不竭力助之及就教職授富平縣教諭嗣陞蘭州府教授歷官二十餘年諱諱以躬行實踐人品心術爲急務月課外立尊經輔仁敬業三會時加勸勉遠近受業者至庠舍不能容以故燕冀秦中成就人材甚衆其監

理蘭山書院也更請建文章專祠嚴立條約以身先之并素所整理兩廡儒位先後丁祭牲牢樂舞以及官察班次綱紀所關俱有詳牒是以見重于各憲屢蒙保舉公悉以不勝牧民辭頃才舉素裕回事輒發歲辛丑番猶猖獗逼近金城口獻呂寧陵城守事宜佐理王方伯隨宜防守城以無虞至晚年入理彌遠著述益精取歷代理學語錄文集擇其切要者增入大全發明性理者增入近思錄切于日用者增入小學又取五子精義輯畧諸書凡有闕于四書要義者彙成一帙名曰四書大成稿藏于家可覘所學矣乾隆甲辰卒于署壽七十五沒之日棺衾不具公素謂吾別無以遺子孫祇是圖書數篋耳信夫

雷見龍監生帶留里人慷慨好施遇歲荒歉輒煮粥賑饑輦貢減價惠周閭里一見于康熙辛丑一見于雍正乙卯朱唐兩邑

侯扁其門曰利人以德誼敦桑梓嗣更捐穀三百石獨建社倉一所出數十金用周閭里窮乏之家膺修職卽八品頂帶鄭邑候又以善行施濟表之洵范魯遺風哉

張宸綏鄉飲耆賓孝友端方人也嘗救荒恤患惠周鄰里善排解薰其德而善良者數十人更深木本水源之感爲張氏祖若宗創修嗣宇以時俾全族同祀敦宗睦祖合姓感激其他如勸脫囊修西營諸善果固未可枚舉矣

吳聯捷太學生芝川里人孺慕之懷根於性始凡事稟命父母先意而曲體之有同胞二女弟待之勤懇周至衣食俱勝已反馬後不時迎歸一堂藹藹博勝下歡一甥孤貧養育于家倍加恩愛長十餘歲有不知非吳氏子者乃父好施予捷遇鄰里貧乏濟以柴米有族人侘傺歸寢乏穴并捐地葬之其父後得狂

疾嘗禱於神願以身代母卧病床褥加以疽瘡醫藥莫效乃吮膿嘗糞叩首籲天出血撲面如是者六閱月及父母歿號泣絕而復甦至於數四即至六十餘歲但聞人呼父稱母輒涕泗沾襟嗚咽不能自己象陽萬家咸以爲孝思不置云

阮文浩宏高子繼者賓宏久嗣躬耕力田以資菽水父母年皆八袞老昏且獫至不知飲食浩端慕偖至以時調饌多少適均宏久嘗出外遇水草玩美忘返勸歸即肆怒罵浩多方作兒戲態乃歡笑而旋便溺在床必親潔濯夜侍側衣不解帶父母呼印應一切不假他人手如是者七年如一日也前任邑侯周修韓志時鄰里欲爲呈舉浩涕泣不從謂事親人子本分事况我實不孝而以孝聞是益名也因不果報迄今潛德彌彰矣

薛峻德韓城薛庄人丁繪事主性懶縮好讀孝經及古人勤孝

諸書家極貧年至三十寄居梗村升泰店以繪畫爲業婦省不出三日閱二載其父入山採樵傷於虎伊闢而痛絕移時方蘇號哭徹日夜竟成顛狂時時欲入山尋虎復讐母懼其再傷于虎也使人嚴禁之乃自圖一虎耽耽逐逐肆其爪牙寶貼壁間拳撻足踢氣力既竭暈倒在地其母急使人掃除紙虎潑以銀硃作血淋漓狀俟德醒証之曰虎已被爾撻死矣讐已報矣其狂疾由此方瘳迄今二十餘年偶見畫虎猶涕淚交頤焉德既葬其父念母衰老遂去升泰店依依晨昏跬步弗離母病嘗湯藥調飲食數旬寢不安席又每冬恐母畏寒鷄鳴必起燃柴薰樹以爲常今其母年近八袞旣壽且康孝養之所調攝者大矣哉